

Ўгдән кўрцхāv

Целинн района «Троицкий» совхоз эн джил, нидн намрар тәрси цагъан буудягъасн земгә сән ургъц авб. Келхд, зәрм газрар гектарас 18 центнер, тәрси цуг тәрәнәс болхла, дундлад гектар болгънас 9,1 центнер буудя хурадж авб.

Иим ургъц хурадж авлгънд совхозин механизатормуд соцдөрлдә өргәр делгрүләд, ургъцан ахр цагин эргцд геелт угагъар хурасн ик туста болв.

Совхозин механизатормуд ахр цагин эргцд тәрәгъән хурадж авхмн гидж даалгъвр авла, тер ўгдән кўрцхāv.

А. Малолкина комбайна агрегат 23 хонгин эргцд 935 гектар буудя хурадж авб. Тәрәнә икнъкнъ хадлгън цоклгън хойринь онцднъ келгънә эв-аргъар хурадж авб.

Ўр А. Малолкина комбайна агрегат өдр болгън 40,7 гектар, зәрм өдрмүдт 54 гектар тәрә хаджав.

Ягъад иим кўцлмүдтә болв гихлә, ўр Малолкина агрегатд кōдлджәх улс цугъа багъчуд, энүнә нōкднъ комсомолец ўр К. Мартыненко, тракторист ўр Молошников, солом ковьнглдг Малолкина Анатолий болн Шафранов Николай багъ наста улс. Эц цугъар ни-негәр, шунмгъагъар кōдлцхāv.

Ўр А. Малолкина комбайн тәрәнә хуралгънд нег чигн өдр зогссн уга. Ода комбайнд ясвр керглгдджәхш. Комбайниг чирдж йовсн трактор бас ясвр керглдджәхш, ода эн трактор намрин тәра тәрх газриг хагълад, самлад бел кеджәнә.

А. ШАҖЕН - БАТУЕВ.